

## **Акафист Пресвятой Богородице пред иконой «Неупиваемая Чаша»**

--

### **Кондак 1**

Изрядное и дивное вспоможение нам даровася, образ Твой честный, Богородице Деве, яко избавльшися явлением его недугов душевных и телесных и скорбных обстояний, благодарныя хвалы приносим Ти, всемилостивая Заступнице. Ты же, Господже, приклонися благоутробно к нашим воздыханием и воплем сердечным, и исцеление подаждь страждущим, да с верою воззовем Ти:  
Радуйся, Владычице, Неупиваемая Чаше, духовную жажду нашу утоляющая.

### **Икос 1**

Ангельстии чини и праведников сонми непрестанно славят Тя, Царицу Богородицу, ходатаицу о роде человечестем, в беззаконных погруженнем и во гресех пребывающем, даруеши бо нам во утешение и спасение милость Свою чрез чудотворныя иконы Твоя, ихже, яко звезды небесныя, по всей земли нашей зрим. Ко единому же от сих образов, Неупиваемая Чаша именуемому, припадающе, из глубины сердца зываем Ти:  
Радуйся, неприступнаго Божества селение;  
Радуйся, непрестанное человеков удивление.  
Радуйся, скорбми грехи наша очищающая;  
Радуйся, печальми наша немощи врачующая.  
Радуйся, милость Свою нам свыше посылающая;  
Радуйся, скорбная сердца наша веселящая.  
Радуйся, пречудное всех с Богом примирение;  
Радуйся, муки вечныя известное избавление.  
Радуйся, Владычице, Неупиваемая Чаше, духовную жажду нашу утоляющая.

### **Кондак 2**

Видящи, Пречистая Владычице, скорби сердечныя, муки душевныя, покаяние искреннее человеков, губительным пороком пьянства одержимых, благоволила еси даровати богоспасаемому граду Серпухову милость Твою явлением пречуднаго образа Твоего, да вси, с верою и сокрушенным сердцем к нему припадающе и исцеление от тяжкаго недуга своего обретающе, усердно вопиют Богу: Аллилуия.

### **Икос 2**

Разумев трикратное явление преподобнаго Варлаама и повеление от него во град Серпухов шествовати, человек некий, страстию пьянства одержимый, обрете тамо в монастыре икону Твою святую, Неупиваемая Чаша

именуемую. Мы же, видяще таковое о нас, грешных, попечение, со благоговением воспеваем Ти таковая:  
Радуйся, славу чудес Твоих грешным открывающая;  
Радуйся, Путеводительнице, путь благий им являющая.  
Радуйся, ко спасению нас привлекающая;  
Радуйся, благодарению нас научающая.  
Радуйся, скорби наша в радость претворение;  
Радуйся, несомненною надеждою возвеселение.  
Радуйся, губительныя страсти потребляющая;  
Радуйся, благим намерением пособствующая.  
Радуйся, Владычице, Неупиваемая Чаше, духовную жажду нашу утоляющая.

### Кондак 3

Сила Вышняго благодатию Владычицы укрепил некоего человека, недугом пьянства страждущаго, егда той, расслаблене имыи ноге, потщася града Серпухова достигнути, повеление Богородицы, чрез преподобнаго Варлаама реченное, исполняя. Обрет же во граде сем икону Пречистыя Богоматере, абие исцелен от недуга своего, душевнаго и телеснаго, и с трепетом воззва Богу: Аллилуия.

### Икос 3

Имуще источник неоскудеваемый, неупиваемую чашу небесных дарований, не токмо людие града Серпухова, но и вси православнии христиане от иных градов и весей, к Твоему пречудному образу притекающе и пред сим исцеления обретающе, благодарными усты вопиют Ти сие:

Радуйся, Еюже скорби наша потребляются;  
Радуйся, Еюже радость спасения изливается.  
Радуйся, немощи душевныя и телесныя врачующая;  
Радуйся, страсти молитвами Твоими укрощающая.  
Радуйся, коемуждо просящему полезная дарующая;  
Радуйся, безчисленныя щедроты всем подающая.  
Радуйся, милости сокровище нам отверзающая;  
Радуйся, милосердие к падшим являющая.  
Радуйся, Владычице, Неупиваемая Чаше, духовную жажду нашу утоляющая.

### Кондак 4

Бурю внутрь имуще помышлений сумнительных, обаче с покаянием искренним к Твоему неизреченному милосердию притекающе, пьянственную страстию одержимии исцеление получают, и от всея души зовут рожденному от Тебе Спасителю нашему: Аллилуия.

## Їкос 4

Слѣша Господь тяжкия скорби, вопли и плач жен, старниц, детей, ихже сродницы обуреваемы суть пьянственною страстию или безумием наркотическим одержими, дарова им, Пренепорочная, Твою икону, от неяже вси просящи утешение и радость духовную обретают, и вопиют Ти со слезами таковая:

Радуйся, Агнице, Агнца рождающая, грехи мира вземлющая;

Радуйся, Чаше, от источника безсмертия черплющая.

Радуйся, матерей скорбных укрепление;

Радуйся, ненадежных благое надеяние.

Радуйся, притекающих к Тебе благодатное охранение;

Радуйся, скорбящих отрадо и утешение.

Радуйся, волнение страстей в нас усмиряющая;

Радуйся, руку помощи требующим простирающая.

Радуйся, Владычице, Неупиваемая Чаше, духовную жажду нашу утоляющая.

## Кондак 5

Боготечную звезду, честную икону Твою, показала еси нам, Владычице мира, юже зряще и с верою сердечною молящая Тебе, Богородице, глаголем: пьянством и иными недуги душевными или телесными страждущия исцели, верныя же научи воспевати хвалу Богу: Аллилуия.

## Їкос 5

Видяще чудеса преславная и знамения пречудная, не токмо от иконы Твоея, Богомати, во граде Серпухове явленные, бываемая, но и от яже по подобию сея иконы изображений, припадающе к ним, смиренно глаголем Ти:

Радуйся, притекающих к Тебе скорая Предстательнице;

Радуйся, молений наших благосердная Услышательнице.

Радуйся, град Серпухов благословением Твоим осенившая;

Радуйся, в пределах московских славу чудес Твоих явившая.

Радуйся, сокровище исцелений неоскудеваемое;

Радуйся, воздержником всемошная Покровительнице.

Радуйся, противу мира и диавола подвизающимся Споспешнице;

Радуйся, в мире благочестно живущих усердная Заступнице.

Радуйся, Владычице, Неупиваемая Чаше, духовную жажду нашу утоляющая.

## Кондак 6

Проповедующе чудеса Твоя, Богородительнице, молим Тя, Пречистая, со слезами: избави всех нас от пагубнаго к винопитию пристрастия и от падений греховных, подвизающи воспевати Богу: Аллилуия.

## Икос 6

Возсия свѣтлость Божественныя славы от иконы Твоея, Дѣво  
Богоотроковице, идеже Господь наш Иисус Христос яко младенец зрится,  
образ Таин Своих Пречистых нам являяй, и от страстей мерзких с верою  
притекающим избавление дарует. Мы же Тебѣ, Пречистой Егѡ Матери, вѣну  
о нас Сына Своегѡ умоляющей, гласы немолчныя приносим сицевыя:  
Радуйся, яко о Тебѣ радуется ангельский собор;  
Радуйся, яко о Тебѣ торжествуетъ человеческий род:  
Радуйся, похвалы небесныя и земныя славою превосходящая;  
Радуйся, рожденнаго Тобою Агнца нам дивно показующая.  
Радуйся, ко вратомъ жизни вѣчныя приводящая;  
Радуйся, от источника нетления жаждущия напаяющая.  
Радуйся, от падений греховныхъ возставляющая;  
Радуйся, неиссякаемою благодатию никогѡже оставляющая.  
Радуйся, Владычице, Неупиваемая Чаше, духовную жажду нашу утоляющая.

## Кондак 7

Хотя человекъ некий возблагодарити Тя, Владычице, исцеления ради от  
недуга пьянственнаго, украси Твою, Богомати, пречудную икону, во граде  
Серпухове пребывающую, со благодарениемъ воспевая Богу: Аллилуя.

## Икос 7

Дивная чудеса видим, Пречистая, от иконы Твоея святыя: страстию пьянства  
страждущии, к Твоему матернему предстательству прибегающе, от тяжкаго  
недуга своего избавляются, и хвалу Тебѣ приносяще, зовутъ таковыя:  
Радуйся, живоносный источникъ исцелений;  
Радуйся, купеле небесная божественныхъ дарований.  
Радуйся, реко исцелений приснотекущая;  
Радуйся, море, страсти наша потопляющее.  
Радуйся, во грехи впавшимъ надежду подающая;  
Радуйся, матерними рукама Твоима техъ возставляющая.  
Радуйся, сердца благочестивыхъ возвеселяющая;  
Радуйся, вся благая прошения наша исполняющая.  
Радуйся, Владычице, Неупиваемая Чаше, духовную жажду нашу утоляющая.

## Кондак 8

Странно и сумнительно неверующимъ слышати, како икона Твоя святая  
божественныхъ исцелений источаетъ струи. Мы же, оной благоговѣйно  
поклоняющиеся, лобызаемъ ю, вопиюще Богу: Аллилуя.

## Икос 8

Все упование страждущии недугом пьянства на Тя, Деве Чистая, возлагают: приклонися к немощем нашим, уврачуй страсти, кто бо нас грешных изведет из рова погибели, аще не Ты, Владычице? Сего ради, колена пред Твоим честным образом преклоньше, воспеваем Ти тако:

Радуйся, моления грешников не отвергающая;

Радуйся, призывающим Тя небесную помощь ниспосылающая.

Радуйся, глубину милосердия Твоего грешным показывающая;

Радуйся, отчаянных и безнадежных ободряющая.

Радуйся, одержимым страстию пьянства поможение;

Радуйся, терпеливых страдальцев благодатное утешение.

Радуйся, недугов наших благая Целительнице.

Радуйся, от суеты мирския наша Охранительнице.

Радуйся, Владычице, Неупиваемая Чаше, духовную жажду нашу утоляющая.

## Кондак 9

Всякое естество ангельское удивися делу Твоего милосердия, Господи, яко даровал еси грешному роду человеческому твердую Заступницу и Помощницу, к нашим немощем приклоняющуюся и от горькаго недуга пьянства свободяющую, верныя же научающую пети Тебе: Аллилуйя.

## Икос 9

Ветии многовещаннии недоумеют восхвалити по достойнию дивное, Богомати, иконы Твоея явление, ниже мы, грешнии, от скверных устен наших возможем прославити заступницу нашу, якоже подобает. Обаче, душею и сердцем радуящиеся, Тебе глаголем:

Радуйся, яко лик Твой священный являет чудеса;

Радуйся, яко скорое еси посрамление отвергающих Тя.

Радуйся, от бед и скорбей присное ограждение;

Радуйся, прибегающих к Тебе от зла сохранение.

Радуйся, кратким сиянием Твоим мглу страстей разгоняющая;

Радуйся, души наша любовью к Тебе и Сыну Твоему исполняющая.

Радуйся, ко стезям покаяния премудрая Наставнице;

Радуйся, добраго нам ответа пред Судиею Праведным Ходатаице.

Радуйся, Владычице, Неупиваемая Чаше, духовную жажду нашу утоляющая.

## Кондак 10

Спасти хотящи многия, чудную икону Твою, Приснодево, пьянством недугующим даровала еси, да вси одержимии сею страстию к чудотворному образу Твоему притекают и, исцеление получивше, во умилении взывают Богу: Аллилуйя.

## Икос 10

Стенá еси и щит, Богомáти, пиянства недúгом страждушим, и всем усérдно к Тебé притекáющим и икону Твою́ святу́ю благоговéнно чтúщим, сию́ бо нам даровá благих Подáтель Господь в пóмощь и цельбу́ от губительныя страсти, и тем наказúет нам пéти Тебé таковáя:

Рáдуйся, врачевáний лóжных грóзное испровержéние;

Рáдуйся, благодáти Врачá Ёстиннаго к нам привлечéние.

Рáдуйся, Твоею́ чистото́ю нáшу сквёрну очищáющая;

Рáдуйся, Твоею́ благодáтию нáше недостóинство просвещáющая.

Рáдуйся, естество́ нáше тлénное в нетлénие облекáющая;

Рáдуйся, молéния нáша Твоём предстáтельством укрепля́ющая.

Рáдуйся, от неможéния нáшего нас восставля́ющая;

Рáдуйся, объёмши́й нас óблак страстéй разгоня́ющая.

Рáдуйся, Влады́чице, Неупивáемая Чáше, духóвную жáжду нáшу утоля́ющая.

## Конда́к 11

Пéние нáше смире́нное, от любвé и усérдия Тебé приносíмое, не прéзри, Чистая, и не отврати́ ли́ка Твоего́ от страждущих недúгом пиянства и отчáявшихся, но помози́ им и нам очíститися от всякия сквёрны грехóвныя, да возмо́жем достóйно и прáведно пéти Бóгу: Аллилу́ия.

## Икос 11

Светопрíемную свещу́ зрим Тя, Пресвятáя Дéво, Твой бо óбраз святы́й лучáми благодáти Твоея́ мглу грехóвную прогоня́ет и на свétлую стезю́ добродéтелей наставля́ет с véрою зовúщих Ти таковáя:

Рáдуйся, от суеты́ мíра сегó многомяте́жнаго нас изымáющая;

Рáдуйся, приражéния страстéй плотских отражáти нам помога́ющая.

Рáдуйся, мысль блáгу в сёрдце нáше полага́ющая;

Рáдуйся, омрачénную со́весть нáшу просвещáющая.

Рáдуйся, мучительными недúги страждущих избавля́ющая;

Рáдуйся, ко искреннему покая́нию и исправлénию призывáющая.

Рáдуйся, дúши всех озлóбленных укрепля́ющая;

Рáдуйся, ймя́ Твое́ слáвлящих спаса́ющая.

Рáдуйся, Влады́чице, Неупивáемая Чáше, духóвную жáжду нáшу утоля́ющая.

## Конда́к 12

Благодáть Бóжия, предстáтельством Твоём, о Богомáти, подавáется всем скорбáщим, обездо́ленным, вдова́м и стáрицам, наипáче же пиянственным недúгом страждушим, и не тщи отхóдят сии́, Пречíстая, от неупивáемья чáши божéственных даровáний Твоих, но неоскúдно цельбы́ получа́юще, Всеблагáя, благодарственно вопи́ют Бóгу: Аллилу́ия.

## Ўкос 12

Поюще Твоя чудеса и велию милость, страстию пьянства одержимым явленную, молим Тя, Владычице, спаси и помилуй, и настави на стезю праву, и не остави нас, покрова Твоего ищущих и зовущих Ти:

Радуйся, росу милости Твоея нам низводящая;

Радуйся, от пристрастия к хмельному питию свободящая.

Радуйся, от пьянственных страсти врачевание;

Радуйся, в расслаблении сущим крепкое поможение.

Радуйся, гордыя смиряющая;

Радуйся, смиренных возвышающая.

Радуйся, малодушных дивное ободрение;

Радуйся, благодушных велия радости.

Радуйся, Владычице, Неупиваемая Чаше, духовную жажду нашу утоляющая.

## Кондак 13

О премилостивая Мати Сладчайшаго Господа нашего Иисуса Христа!  
Нынешнее наше услыши моление и избави нас от всех недугов душевных и телесных, наипаче же исцели пьянством страждущия, да не во зле погибнут, но да спасеннии Тобою присно вопиют Богу: Аллилуия.

*Сей кондак глаголется трижды. И паки читется 1-й укос и 1-й кондак.*

## Молитва

О Премилосердая Владычице! К Твоему заступлению ныне прибегаем, молений наших не презри, но скоро исцели тяжким недугом пьянства одержимых братьев и сестр наших и того ради от матери своея, Церкви Христовы, и от спасения отпадающих. О Всемилостивая Мати Божия, коснися сердец их и скоро возстави от падений греховных, исцели я и ко спасительному воздержанию приведи. Умоли Сына Своего, Христа Бога нашего, да простит нам согрешения наша и не отвратит милости Своея от людей Своих, но да укрепит их в трезвении и целомудрии. Приими, Пресвятая Богородице, молитвы родителей, о чадах своих слезы проливающих; жен, о мужех своих рыдающих; чад, сирых и убогих, заблудшими оставленных, и всех нас, к иконе Твоей припадающих, – и да приидет сей вопль наш молитвами Твоими ко Престолу Всевышняго. Покрый и соблюди нас от лукаваго ловления и всех козней вражиих, в страшный же час исхода нашего помози пройти непреткновенно воздушная мытарства и молитвами Твоими избави вечнаго осуждения, да покрыйет нас милость Божия во веки веков. Аминь.